


CHINESE JAPANESE LIBRARY OF
HARVARD YENCHING INSTITUTE
AT HARVARD UNIVERSITY
DEC 17 1940

27

T 3222/0.83.2



福建續志卷六十二

哈佛大學漢和
圖書館珍藏印

列女四

興化府

國朝

節孝

郭氏陳憲紀妻姑病刲股以愈晚得瘋疾子婦朱氏

服事維勤知縣莫家禎旌曰賢孝嗣徽

葉氏儒士鄭光春妻少嫻內則讀書識大義年二十

三夫往雲南不返家貧翁姑俱老子文炳幼婦父

瘋癱七年氏日夜背負賴操作持家五更課讀嗣

營葬翁姑四十八年中以妻代夫以母代父巡撫
 張伯行給扁曰坤德貞純初文炳娶吳氏合巹之
 夕文炳以父客遊不忍成婚氏逡巡問故因勸其
 行且曰堂上事氏任之文炳遂行比歸而氏已逝
 猶然處子也孫士仁娶張氏事翁姑亦以孝聞

陳氏儒士姚博妻年二十一而寡甘貧守志立姪飛

鳳為嗣督課遊庠營葬舅姑及夫年六十二卒

吳氏孔榮士妻年二十八稱未亡人養老姑育幼兒

苦節六十五年卒

孫氏黃孟立妻年二十夫歿撫孤守節奉翁姑終養

喪葬如禮年五十二卒

陳氏余文組妻夫歿時年二十一事舅姑竭盡婦道

歿後營葬如禮撫教兒孫歷節六十餘載八十四

卒

林氏陳昊伯妻早寡以柏舟自勵茹荼飲蘖雍正間

旌

辜氏林大韶妻年二十一夫歿矢志茹荼奉養庶姑

克盡婦道撫教遺腹子成立歷節三十二載乾隆

間旌

張氏卓君墀妻年十九而寡為夫立嗣營葬奉養舅

姑甘旨無缺守志三十四年官旌其節

徐氏翁汝奮妻娶居時二十三歲食貧矢志奉姑終年鞠遺腹男景斯娶婦宋氏景斯又夭宋年二十四姑媳相依水操共凜

俞氏黃志煥妻年二十一守節撫孤奉翁姑無忝婦職年五十四卒

歐氏常必達妻二十六歲夫歿舅姑俱老勤女紅以備養撫二幼子備至

葉氏知府天陞孫女江有英妻二十歲寡力貧勵節孝養翁姑遺孤纔三月倍撫鞠之

林氏李元珠妻二十一歲寡守節五十五年足不踰閩親屬罕見其面

康氏字劉守正守正歿奔喪立嗣守節終身六十歲卒

周氏諸生彭光順妻二十六歲寡事姑誠敬教子有方

宋氏林名卿妻二十七歲夫歿姑脚疾氏扶持盥洗不假他人手

林氏方真朋妻真朋歿氏守節奉姑始終罔懈子建妻黃氏既娶而建亡黃亦守節事姑建子發祖由

浙歸溺死於海未婚妻游氏聞訃亦投海死

喻氏廩生黃斐妻年二十八夫歿辛勤矢志孝養翁姑年八十卒

翁氏陳士鑾妻年二十五守節不移子舜初娶高氏十九歲夫歿姑媳孀守人皆稱貞節翁家

高氏張佳貞妻佳貞於順治戊子遭難氏負孤百計潛踪完貞無玷七十九歲卒

謝氏蘇燾繼妻二十八歲寡偕妾唐氏同心守節撫子有成

林氏貢生李樹本妻年二十七寡奉養翁姑喪葬盡禮撫二子長成乾隆間旌

鄭氏庠士程賡睿妻年二十四夫亡值耿變氏襁子扶姑毀容面以全節操九十二卒

林氏戴敏若妻夫殂氏年二十二紡績減膳以其貲爲翁姑及夫營葬太姑陳早卒柩失所在氏百計索之得骨合葬苦節四十餘年卒

蔡氏張曾若妻年二十四而寡家貧勤事女紅弟健人妻鄭氏二十六亦寡妯娌孀守奉養翁姑盡孝全貞

柯氏林天度妻孀居年二十四孝養翁姑撫育遺孤

守節五十一年卒

林氏郭雙瓊妻年二十一夫亡老姑在堂矢志奉養

守節四十一年卒

黃氏林殿玉妻年二十七夫病泣誓俱死夫以親老

子幼為囑乃強活奉養舅姑撫二孤成立次子廷

勤娶黃氏年二十五而寡侍姑力貧勵操人欽雙

節

戴氏庠生方文釗妻年二十七寡姑老子幼仰事俯

育紡績以給七十三歲卒

朱氏柯守全妻二十八歲寡家貧勵節舅姑年老紡

績供甘旨力撫二孤次克榮娶林氏三載克榮卒

氏年二十一哀慟欲絕明年春以養姑有伯氏在

投繯殉節觀者如堵

江氏鄭瓊侯妻二十九歲寡奉姑育子苦節四十餘

年七十七歲卒

游氏張揚士妻二十八歲夫歿事姑盡婦道撫誨二

子有方年六十七卒

方氏黃希聖妻年三十寡矢志撫孤卒年七十二

林氏鄭宏琦妻二十七歲寡守節立嗣奉翁甘旨無

缺卒年六十九

林氏朱子壽妻二十五歲寡撫二孤成立翁姑年老
勤紡績以供甘旨卒年六十五

林氏陳謙侯妻二十三歲夫歿孀居勵操善事翁姑
課子嚴而有方卒年六十五

林氏鄭時懋妻年二十一寡事翁姑孝撫子以慈年
五十二卒

張氏翁濤妾年二十七寡矢志靡他守節數十年

黃氏林瀾妻年二十六寡奉姑孝謹教子有方守節
六十年卒

徐氏陳玉麟妻年二十一寡儉積置產爲翁姑及夫

耐祀宗嗣守節至六十二年卒

柯氏陳達士妻年二十四寡竭力營葬翁姑歷節七
十五歲卒

龔氏陳邑周妻年二十七寡卒年八十一

趙氏陳林斯妻年十九寡孀居三十六年卒

林氏陳陶士妻年二十寡奉姑終年甘旨無缺

柳氏許文濬妻年二十四寡孝養翁姑撫育其子七
十一卒

宋氏曾樹公妻年十八而寡紡績奉翁姑撫孤子長
成守節四十二年

黃氏方從侗妻年二十三寡事姑訓子六十歲卒

羅氏林師程妻年二十二夫歿於江西氏勤女紅奉

翁姑撫嗣子併迎夫柩營葬卒年五十八

蔡氏林與謨妻年二十六寡養老撫孤孝慈克盡

林氏李世德妻世德歿於浙氏矢志不渝撫育遺腹

子有成守節三十餘年

程氏林晴妻年二十八寡紡績以供姑膳歿爲營葬

撫子成立

林氏庠生李金華妻年二十三寡勵操孀闡事翁姑

孝撫孤不怠

崔氏余又雯妻又雯歿氏年十九遺腹男允峰甫三

月氏矢志奉姑撫子媳林氏年十八允峰歿遺腹

五月氏奉姑惟謹力撫其子姑婦雙節

崔氏林堯洋妻年二十七寡甘貧勵節紡績供親能

撫其子有成

李氏庠生余金妻早寡守節八十歲卒

葉氏黃時對妻年二十六而寡歷節四十一年

黃氏王孫佩妻十八孀居歷節四十五年

胡氏陳燦人妻二十五歲而寡年六十二卒

黃氏鄭珩菴妻年二十七守節至八十歲卒

陳氏梁俊林妻年二十八而俊林歿九十歲卒

施氏姚子仁妻二十四歲寡孝養翁姑撫子入泮年五十三卒

陳氏教諭起蛟女鄭廷燿妻娶九月而廷燿卒氏勵志事姑撫子歷節五十七載

林氏宋祖超妻十九歲守節事舅姑盡孝教嗣子思忠遊庠年六十卒

劉氏張盛妻二十七孀居事姑克盡婦道鄰人勿戒於火氏抱夫棺哭泣誓與俱灰火乃止歷節三十餘年

黃氏張子來妻于歸四載夫歿氏撫孤維周成立娶婦而維周卒媳林氏與姑守節俱六十一歲卒

黃氏林光台妻二十五歲夫亡辛勤紡績課督二孤守節三十年卒

黃氏林夢魁妻年十七于歸三載夫卒氏冰蘖自持事姑教子守節以終

朱氏廖世綸妻守節二十餘年孝翁姑和妯娌教子以義方族戚敬之

方氏寧波人官保諡忠壯朱天貴次妻天貴聞有女德聘娶之年二十九天貴征臺殉難氏嚴肅家

規男女不通問孤稍長以報國承先勉之七十二歲卒劉氏天貴子潛淳妻年二十八夫歿閨中守貞承順太姑四十餘年如一日七十歲卒程氏天貴孫國雄妻年二十七國雄歿於滇氏謂其孤曰汝父之柩未歸吾何以相見於地下子旣長亟命之滇扶櫬歸營葬

陳氏庠生顧人麟妻年二十一夫歿孝養舅姑教育嗣子守節五十七載卒

鄭氏陳伯飛妻年十九寡善事太姑親營窀穸五十六歲卒李氏伯飛弟伯順妻年二十四寡堅貞守

志撫育其子成立

林氏江謙山妻年三十夫歿守節備極艱辛八十五歲卒

林氏許子寧妻二十八歲寡矢志栢舟辛勤孝養卒年七十二

蔡氏歐彥蒼妻年十八蒼以瘋疾溺水死氏茹素守節終始不移

陳氏朱聖從妻年二十五守節子朝榦方晬教之有成歷節三十年聖從弟聖焜妻黃氏年二十八亦寡茹荼苦節矢志靡他

黃氏曾山仲妻年二十八夫歿事翁姑孝撫子嚴而有恩孫洪海補弟子員年六十一卒

陳氏朱廷揚妻年二十八夫歿克守婦節孝事姑璋男起璘甫五歲教誨長成年八十卒

吳氏訓導林樹玉妾年二十六樹玉歿子纔五歲矢志撫孤同嫡妻戴氏繡佛長齋延師課督克紹詩禮孫曾林立年八十三卒

林氏訓導宋慶會妻慶會歿於會城林時年二十七與妾林氏同茹荼含藥課子英兆祥嘉有聲譽序俱歷節三十四年魏氏年十八慶會納諸筵室甫

一載而寡偕二氏守節鉛華不御年五十卒

余氏鄭夢麟妻年二十六夫歿守節撫孤七十五歲卒

宋氏林普未婚妻守節數十年祀節孝祠

林氏知縣嘉楠孫女幼嫻家訓長適朱貞榮夫歿氏年二十廿貧守志日勤女紅擇嗣教之歷節三十二年

林氏朱汝順妻年二十八夫歿苦節自持克勤紡績卒年五十九

李氏遊擊殿臣女教諭陳射斗妻性篤孝翁病篤封

股和粥愈之未幾翁復病焚香祝天願以身代翁
愈而氏隨歿子一超舉人

黃氏方爲仁妻隨翁官南昌年二十八夫歿越數年
翁姑又歿孤寡旅栖經營三柩歸里家貧十指度
活課男力學卒年六十二

陳氏州同方名揚妾淑慎勤儉年二十五而寡茹苦
撫孤卒年四十七

吳氏莊尊士妻鄭氏尊士子淳卿妻吳年二十二寡
守節四十三年鄭二十七寡守節三十餘年

林氏中丞彭鵬長子州同聖壇妻事翁姑以孝謹稱

年二十八而寡善持家政撫二孤鉞鑄有成爲翁
營建祠墓年六十六卒

董氏儒士陳錫有妻二十七歲孀居奉七旬翁女紅
資養孤室甫四月鞠之倍摯艱苦備嘗年六十一
卒

周氏黃先孀妻二十二歲夫亡撫四歲遺孤得列郡
庠食貧苦守延黃氏一綫年七十三卒

王氏林師雲妻早寡守貞

鄭氏陳爾前妻年十八適陳數月夫亡守節五十一
年卒

彭氏朱文龍妻俞氏朱文彪妻俱早寡守節妯娌相依彭守節四十二年卒

吳氏陳書仲妻年二十九書仲客歿於楚家貧無子母女五人忍饑紡績百計扶夫柩營葬遣嫁四女立嗣卒年六十八

彭氏陳猷仁妻二十一歲寡居至七十一卒

彭氏朱雲公妻年二十孀居矢志撫孤食貧勵節年六十六卒

陳氏翁與承妻夫亡年二十八茹荼守志日誦柏舟詩以自比年五十八卒

黃氏副貢黃洽女庠生陳日妻二十七歲夫歿守節撫孤年六十六卒

翁氏彭紹祿妻年二十二寡事翁姑盡婦道歿後喪葬如禮撫嗣子成立卒年八十六

吳氏程學珪未婚妻學珪歿氏號慟欲奔喪父母阻之矢志不渝茹蔬服麻跡不出戶外未幾卒囑昇柩歸夫家合葬

吳氏潘銑妻年十九夫歿撫孤守寡五十餘年卒銑第鑑妻鄭氏年二十二夫歿守節四十五年第鑑妻林氏年二十六夫歿守節三十九年姪汝高妻

徐氏年二十五夫歿無子守節二十餘年卒姪汝揚妻程氏年二十八守節鎬子汝潛妻黃氏年二十六守節一門六寡食貧苦節里黨欽之

陳氏蕭汝靈妻年十九寡遺腹生男文初甘貧守志養姑育子歷二十三年卒文初妻李氏二十二歲亦寡忍饑寒勤紡績撫五歲遺孤歷二十二年卒

黃氏鄭漢培妻年二十七夫歿家被火辛勤鞠子歷節四十七年卒

唐氏庠士林挺秀妻年二十六寡孝事翁姑守節五十八年

黃氏陳天培妻二十八歲夫歿天節撫孤舅姑老生事苑系身獨任之歷三十二年卒

陳氏黃懋潤妻夫早歿事翁姑克盡婦道撫嗣孫成立苦節數十載祀節孝祠

郭使妹黃躋妻未婚而躋赴臺弗返于臺娶妻生子氏堅志守貞田旁構草舍織屨為食及躋歿呈縣移文臺灣取躋二子歸家貧如洗織屨撫育卒年六十

劉氏陳聖敏妻敏病癩氏父欲另婚誓死不從歸敏時年十六敏癩發痛苦難堪氏以口啜之二十二

元及系示 卷之三
歲敏死紡績以供翁姑既歿竭力營葬年六十二卒

黃氏鄭紹德妻夫亡守節教子有方年四十九卒
林氏方殿公妻年二十四夫歿守志事姑留心擇嗣
歷節三十年卒

張氏李祿章妻年二十六夫歿守節年七十八卒

許氏林豐春妻二十七歲夫亡守節立嗣以紹宗支
守節四十八年

林氏潘尚友妻尚友亡氏孕方七月誓死不移歷節
三十年卒

李氏魏雪軒妻二十歲寡居老姑在堂遺腹生子婦
德母儀兩盡

林氏蔣漢春妻年二十八夫歿氏奉養翁姑訓誨藐
孤聲淚俱下及二老歿喪葬盡禮年六十七卒

程氏宋楸屺妻夫歿時年二十八養姑鞠子曲殫辛
勤男慶芳娶吳氏年十六慶芳歿姑媳孀居程六
十九卒

廖氏御史必琦姊彭起山妻早寡事姑盡孝誓死勵
操撫孤承煜娶林氏年十八夫亡遺腹生子與姑
孀居足不踰閭義方訓子迄於成立

朱氏李植魁妻二十六歲夫歿子彥賓方四歲伯植墀又無嗣氏念夫兄弟止傳一子撫教備至植墀妾吳氏年二十三夫與嫡繼歿遺命以姪彥賓爲嗣立志守節以教孤子與朱共以苦節聞

程氏陳建忠妻年十八于歸四月而夫歿氏矢志孝奉舅姑擇嗣繼之年五十八旌表祀節孝祠

鄭氏黃奇猷妻年二十夫歿守節五十二年子楚臧娶林氏楚臧歿氏養姑撫子與姑孀居三十一年林氏僉事衍培孫女葉萬璣妻二十五歲夫歿氏以女紅自供積貲數十年贖先代圭田修列祖祠墓

夫得安厝嗣子入國學年七十六卒祀節孝祠

林氏周潛妻二十九歲寡姑病篤氏割股和粥以進姑立愈六十八歲卒祀節孝祠

郭氏鄒獻壽妻年二十七寡勤紡績以事姑減糲殮以哺子八十歲卒

陳氏張懷寬妻年十七歸張姑有疾夫亦善病氏承順扶持無少懈怠二十六歲孀居七十八歲身故祀節孝祠

林氏太僕卿源女太學生張沂妻十六于歸事翁姑如事父母數年翁逝夫亦早世氏嘔血吞聲備極

慘瘁姑卒盡哀盡禮卒年四十八

朱氏葉則侯妻年二十三寡食貧苦節奉翁年五十四卒

何氏貢生唐朝瑞妻年十六歸唐二十五夫亡二老在堂三孤依膝氏忍死代夫奉親甘旨不缺訓子以義方年七十一卒

朱氏程學成妻夫歿氏年二十三藐孤三歲氏孝養尊章克盡婦道撫子倍殷乾隆間旌祀節孝祠

黃氏宋洪策妻洪策少攻舉業年二十六歿氏誓守節紡績佐養翁姑歿喪葬盡禮撫教藐孤以壽終陳氏關奕明妻二十八歲夫歿奉養太翁克盡婦道無教三孤成立孀居二十八載

陳氏林德三妻二十七歲夫歿矢志撫孤士祥至長娶婦彭氏士祥又歿姑媳相依陳氏守節四十餘年六十七歲卒

陳氏吳學賓妻年二十五夫歿家貧紡績奉養翁姑生事歿葬始終盡禮撫孤成立卒年五十八

黃氏陳元長妻夫歿年二十三氏奉養翁姑撫三歲男長成年五十四卒元長弟元雲妻李氏年二十五夫歿遺孤六歲守節三十五載卒弟元謨娶林

氏弟元華娶鄭氏元謨元華繼殞林氏年甫二十
三無子擇嗣承祧守節二十四載卒鄭氏年二十
二夫歿撫育遺腹子守節三十載娣姒同矢志貞操
人稱一門四節

林氏翁天培妻夫歿氏年二十二茹素終身事舅姑
盡孝年五十二卒

林氏陳煜未婚妻煜歿氏卽奔喪奉養翁姑十餘年
卒

鄭氏郭廷鑑妻于歸八載夫歿氏誓守節家貧奉養
翁姑撫教二子守節四十九載

鄭氏庠生林時升妻年二十六夫歿食貧守節爲翁
姑與夫營葬撫子培及孫必甲颺俱有聲鬢序卒
年七十六

方氏貢生詵女黃燝春妻年二十二歸黃未週歲燝
春歿氏食貧紡績以事翁姑購產爲祔祀久遠之
計

藍氏林學焜妻十九歲夫歿張氏林國焜妻二十歲
夫歿娣姒相依矢志撫孤

陳氏廩生姚江濤妻二十三歲夫歿奉養衰翁撫育
孤子苦節四十二年年六十五卒

彭氏巡撫鵬女性端淑嫻內則歸知縣林植男必捷
必捷早世氏守貞訓子三十餘年家藏古賢母圖
朝夕覽觀卒年七十

黃氏通判洪符圖繼妻年二十二夫歿產盡氏歸母
家辛勤日給撫二孤成立孀居數十載戚族罕窺
其面年八十五卒

黃氏陳聖達妻夫得瘋疾氏日夜扶護夫歿氏年二
十四欲以身殉念姑老而寡家貧無依乃孝養終
身年七十五卒

林氏黃世綬妻二十四寡矢志撫孤事翁姑以孝聞
年六十九卒

余氏黃鳴瑚妻二十五歲寡守志撫孤五十九卒
宋氏廩生黃震雷妾年二十四寡貞潔自矢撫男受
知列邑庠年九十四卒

姚氏許允師妻二十六歲夫歿守節奉翁姑生事葬
祭如禮撫男森入郡庠

劉氏林班來妻十八歲夫亡撫育孤子苦節自持姑
病侍湯藥三月不解帶願以身代姑病旋愈年七
十一卒

彭氏蕭祿妻年二十一夫亡甘貧守志葬翁姑及夫

立姪懷爲嗣娶朱氏懷又歿時朱年二十七姑媳
相依朱年五十一卒

黃氏鄭學伊妻年二十一夫歿立姪爲嗣辛勤鞠育
孝養舅姑終身茹素卒年六十一

黃氏知縣雯女游一洙妻年十九寡守節立嗣事姑
盡孝年四十九卒

楊氏林熊斯妻二十五歲寡矢志撫孤年六十五卒
張氏知縣黃雯妾年二十四孀居無子守志弗渝年
六十九卒

黃氏林樞妻二十九歲寡守節養姑教子天錦入庠
守節五十四年

林氏陳協璋妻年二十四而寡守節七十二年卒
鄭氏唐朝義妻年二十一夫歿養姑撫孤茹苦四十
餘年卒

許氏林廷景妻年二十二寡矢志節五十年子肇祚妾
吳氏二十歲而寡守節五十三年卒

林氏方銘妻歸逾年夫亡守節五十三載建坊旌
之

蔡氏陳翔山妻年二十七寡守節四十六年
翁氏宋誠公妻年二十九寡勤女紅奉舅姑爲夫撫

嗣子子天又擇嗣孫撫之年八十四卒

黃氏庠生林飛妻年二十五寡奉姑撫子六十五歲卒

林氏黃君度妻年二十歲寡奉養舅姑撫嗣子鐘鳴入泮

歐陽氏李子彥妻二十一歲夫歿孀居六十一載卒
旌表祀節孝祠

吳氏周言妻性淑慧二十歲寡事翁姑撫孤子有古
孝婦躋母之聲五十六歲卒祀節孝祠

東氏宋孕均妻夫歿家貧艱難辛苦營翁姑及夫葬
事撫三歲孤孀居五十五年卒

馬氏江有錦妻十八于歸越兩載夫歿奉菽水得翁
姑歡心復存夫家宗嗣年六十一卒

林氏陳師潛妻潛歿氏年二十三守禮矢志孀居五
十載卒

施氏王順士妻年二十六寡家徒四壁事翁課子晨
夕弗懈

張氏蔡麟士妾二十九歲寡守節艱貞年六十三卒

周氏廖洪妻早寡守節孝事翁姑八十歲卒

彭氏蔡成功妻二十三歲孀居撫孤元顯成立年六

十三卒

黃氏蕭學淮妻二十七歲夫歿事翁姑盡孝苦節數十年

朱氏庠士黃培妾二十五歲寡謹守婦道卒年六十四

彭氏鄭元仁妻二十二歲守節事翁姑撫遺孤盡範於禮子宗澄娶林氏結褵未久又寡矢志守節悉如其姑彭六十四歲卒

陳氏林來斯妻早寡守志卒年七十六

朱氏江友白妻二十歲寡嗣子亨繼妻亦朱氏二十

二歲寡姑媳相依冰霜比節姑七十三卒媳守節四十餘年

陳氏林于三妻年二十五夫歿子殤食貧事姑守節四十餘年卒

李氏姚而拱妻性堅貞夫歿霜操益勵卒年八十六
高氏彭崇家妻崇家溺死氏年二十一艱貞自矢卒年六十一

林氏彭衛同妻年二十二寡事祖母克孝撫孤成立數年子又歿媳李氏年二十六姑媳相依艱苦守貞林卒年五十六

鄭氏黃禎妻孝事翁姑年二十夫亡遺腹生子鼎甲
矢志撫之歷四十餘載鼎甲雍正乙卯舉人

李氏方捷先妻年二十三守節子元達甫二歲撫養
成人娶婦余氏年十九元達又歿與姑同矢柏舟
黃氏廩生戴養淳妻年二十八淳歿孀居守志孝養
翁姑壽七十卒

林氏宋震先妾年二十一寡欲以身殉念翁姑六旬
餘強活以盡奉事之禮勤紡績供甘旨營喪葬子
東淮甫三歲撫之成立入邑庠歷節四十年

張氏方悅公妻年二十八寡矢志勵操鉛華不御卒
年六十九

林氏余聖域妻二十一歲寡夫歿朝夕飲泣以翁病
苟延殘喘竭力奉事翁歿氏以憂勞成疾卒計守
節二十九年

鄭氏彭與尊妻年二十二夫歿孀居守節冰操自持
卒年六十一

翁氏彭錕妻年二十六寡矢志奉姑撫子成立卒年
七十

張氏朱如玉妻孝養姑嫜克勤紡績年二十七寡無
嗣耿逆爲氛貞操愈烈祀節孝祠

高氏宋洪宣妻洪宣歿氏年二十四以二老在堂遺孤在抱茹荼苦節歷五十年如一日年七十三卒
黃氏朱珍妻年二十八夫亡孝事翁姑和丸撫子守節五十餘年

林氏戴伯玉妻年二十夫亡甘貧守節年六十三卒
陳氏幼侍父病割腕以療長適曾繩美美家貧往浙親柩在堂氏節膳食以卜宅兆卒年七十三

吳氏鄭元采妻年二十八寡遺孤二歲與妯吳氏栢舟共矢守節七十年

方氏喻孟璠妻年二十五寡矢志守節孝事翁姑年七十卒

蕭氏林慎章妻慎章病危囑蕭曰烈不如孝蕭承夫命孝事翁姑姑病願以身代太守沈起元爲序紀其節孝

鄒氏黃輯明妻年二十六寡孝養耄姑子庠生向春甫髫歲撫而長之年七十卒

方氏林伯周妻年二十九夫歿守志奉姑以孝聞伯周第伯有又歿妻吳氏年十九無子擇嗣教之底於成立

葉氏進士知縣大楷女陳肇桂妻孝事翁姑夫亡氏

年十八守節三十一年卒

謝氏張起雲妻年二十六夫歿無嗣氏孝事翁姑擇

嗣撫教成立卒年七十四

林氏范端麟妻早寡守節建坊 旌表

林氏生員黃嶠妻夫歿守節數十年卒後 旌表

余氏林鳳慶妻奉姑至孝雍正間 旌

陳氏張于白妻事姑至孝守寡三十八年

吳氏庠生柯鈺妻二十歲而寡守節四十年卒

魏氏唐鏞妻砥礪閨門節孝顯著入節孝祠孫山進

士

方氏拔貢從仁女黃炳未婚妻勤苦守節立坊 旌

表

王氏黃慶源妻守節三十年建坊 旌表

黃氏林元齡妻早寡撫二子長磐娶知府朱翰春女

次珏庠士娶俞氏俱早寡姑媳三節相依冰玉嗣

徽

黃氏蔡儀仲妻年二十六寡家徒四壁貞操自持卒

年六十四子叔陵娶紀氏方三載而叔陵歿紀孝

事寡姑絕跡閩外

林氏王友質妻年二十八寡室如懸磬氏晝夜機杼

易升斗以贍姑而自嚼糠覈義方訓子子及孫竝
遊庠年七十卒

許氏庠生戴振猷妻猷歿值兵變許抱子逃山中事
太姑以孝聞卒年七十九黃氏戴振鶴妻年二十
五寡教子旗入泮年八十八卒朱氏戴翼妻孀居
無子姑病刲股和粥愈之更爲翁姑營喪葬守節
四十年謝氏戴應青妻青就婚外家三月病歿謝
抱主歸戴擇繼嗣竟歿年五十九卒黃氏戴學直
妻年十八夫歿家貧子幼依父母以居苦節自矢
卒年四十二

林氏朱峻樂未婚妻年十八歲夫卒氏入門守志立
嗣撫孤歷節三十餘載乾隆間旌

林氏舉人顧宏烈妻宏烈病歿吳江氏年二十五聞
訃卽欲自經念姑老子幼矢志栢舟孀居六十餘
載乾隆間旌

林氏方允沐未婚妻年十六允沐卒氏矢志孀守入
門孝事舅姑六十載無間言督學黃之雋以閨淑
完貞獎

吳氏林日芳妻夫早逝氏孝奉翁姑撫男嗣曲盡辛
勤督學汪廷璵扁旌茶節可嘉男學海宗海皆有

聲譽序

翁氏鄭協升妻二十七歲協升歿氏勵節撫孤事翁姑以孝聞乾隆十六年旌

黃氏林厚模妻年二十九夫歿紡績養姑兼治良人窳窳撫兩孤母而兼師食貧茹苦守節四十一年

乾隆間旌

朱氏鄭于振妻年二十四而寡矢志奉姑撫幼孤夢陞成立娶婦陳氏未幾夢陞夭陳氏殉節死朱復撫孤孫六十四歲卒

宋氏彭朝侯妻二十七夫亡食貧孝事翁姑終身不出戶庭卒年五十五歲

戴氏知縣程甸女庠生林斌妻年二十九寡養姑訓子足不踰闕以上莆田

福建續志卷六十三

列女五

興化府

國朝

節孝

張舉姐諸生陳夢燝妻幼通內則孝經列女傳事嫡母生母俱以孝聞十六歸夢燝事後姑如其母姑疾篤劔股調漿願損年以益姑壽姑疾乃瘥卒葬

西山

吳氏諸生陳瑞虞妻康熙初海氛未靖舅一珍以里

長解軍餉違悞當斬吳焚香日夜祝天一珍遂得歸

劉氏諸生陳堂妻幼有至性年二十歸陳翁姑老病劉盡斥奩資以供羞膳病劇刲股調羹者再

黃氏耆士文標女適陳元士性仁孝識大體元士少而好義黃力成之歿時黃撫男錦繡纔五歲次甫三月茹苦集蓼以養以教先是地多海氛黃奉姑避難艱危中忍饑哺姑糗糲必以時進姑久病目翳每晨舐之目爲重明卒年八十六

吳氏鍾牟女諸生王鶴鳴妻事舅姑誠敬甘旨之奉寒暑無間姑病日侍側親奉盥漱子炳登武科陳氏林而百妻而百讀書不遇早世家無遺儲翁姑老二子幼氏拮据供奉姑歿不克葬質子以營窆窆當道獎之

黃氏贈校尉林廷輔妻姑臥病朝夕扶持櫛沐親爲滌器三年如一日子旺官守備

盧氏陳門婦姑病割臂和藥得痊年九十六卒

林氏浦江知縣清偉女何昌期妻年二十五而孀居事後嫜撫遺孤以孝慈稱城陷賊知爲節婦不加刃而去年九十卒

嚴氏諸生鉞女年二十歸諸生蘇際隆順治間城陷
姑與夫俱歿遺腹子又殤家貧與翁相依翁目失
明或勸之歸寧嚴泣曰舅老目眇我去曷忍備嘗
艱苦十六年不出閨門卒年四十九

葉氏林紹忠妻夫亡時年二十六子德膺僅三歲家
無宿春父母令他適葉閉門刺面紡績餬口年七
十餘抱疴德膺婦陳氏祝天願減壽益姑算姑隨
愈

黃氏嚴廷訓妻年二十五寡居子維珠四歲維瑛在
腹家貧守節紡績以養舅姑足不出戶庭者三十
五年維珠遊庠娶婦林氏而卒林氏猶少矢志堅
貞兩世苦節後子昌梅貴林封宜人

鄭氏李楫玉妻年二十三而寡無子雙白在堂鄭以
婦代子職舅姑繼歿家貧無依紡績以自給卒年
七十一

傅氏李元義妻年二十三夫亡矢志撫遺孤艱苦備
嘗年八十餘卒

劉氏吳廷武妻年二十一夫歿育子孔成婚未幾又
歿僅遺一孫婦林氏孀守姑媳相依兩以節著
謝氏鄭敏卿妻年二十八而寡家貧二孤俱幼氏勵

志以壽終

吳氏別駕廷鯤女諸生劉子第妻順治間城陷子第
歿氏年二十五下鞠幼孤上事二老喪亂艱苦不
渝其節

黃氏諸生吳廷鱗妻年二十九寡撫幼孤成人順治
十二年城陷遇害黃撫兒尸哭曰我所以不從而
父死者冀若成立今無望矣遂獨閉一室又二十
五年卒

陳氏顏啓芳妻年二十一寡晨出汲強暴語稍侵之
陳提甕歸閉門哭三日自是足不踰閭雖慶會未

嘗見齒

陳氏顏晉妻年二十五夫歿有麗色順治間山賊猖
狂陳匿林藪間賊索得欲污之陳不從賊怒刃之
未絕舍之而去經宿而蘇以節終

蘇氏林憲策妻康熙壬寅盜起蘇與夫同上寨避夫
弟際泰爲賊所傷夫奔救被殺時蘇年二十三娠
七月守節四十七年歿

李氏陳幼蘭妻年三十寡翁老子幼會海氛未靖李
與翁奔避相失李持姑主攜諸孫環山而呼尋得
其翁年八十餘卒孫體明妻方氏年二十一寡遺

孤未晬父母欲奪其志方斷指以誓歷節三十九
載卒

張氏陳十兒妻十兒旅江西因娶張及病劇顧張曰
死生命也所憾者故鄉遼遠魂魄思歸耳張泣曰
君自珍重若不諱所不歸君者如日歿時張年二
十六喪畢躬負夫骸間關險阻閱歲抵里貧苦無
以自存採樹葉及龍眼核搗餅療饑工針刺知書
矜莊自勵門以內咸式之

王氏陳麟未婚妻年十七麟歿王素服就夫家立嗣
持喪後生一孫相繼歿王甘貧守志有憐而助之
者却不受年八十一卒

羅氏詹瑛未婚妻瑛死羅年十六卽歸瑛家養舅姑
卒年三十舅欽亮邑學生以喪子再娶妾鄭氏數
年欽亮歿鄭氏年二十六子甫三歲鄭撫而長之
一門雙節

任氏黃廷若妻廷若以次兄廷韜歿湖廣蘄州將往
移櫬氏盡斥賣簪珥以助其裝曰門內事吾取辦
十指足矣廷若篤於友愛日寢處櫬旁冒寒暑往
返閩楚六千里勞頓嘔血至家遂不起任年方二
十九茹淡撫孤經營翁姑葬事姪有逼之他適者

氏毀容大慟曰爾負心獨不念蘄州之行乎激切
憤懣悲動四鄰卒年七十七

陳氏黃震甫妻年二十六夫歿事翁姑克孝教二孤
勤事耕讀鄉閭欽之卒年五十一

陳氏黃聖美妻夫歿陳課督遺孤成立撫姪等無不
周至卒年七十二

林氏名三妹陳之方妻未婚夫歿訃至欲奔喪父母
難之林不從易服而往恪循婦道翁姑歿扶櫬營
葬爲夫立嗣年三十八卒

林氏吳堯煒妻年十八于歸越三月寡苦節數十年
六十四歲卒

林氏詹聖儉妻年十八聖儉歿家貧無子林以婦功
易米養姑隆冬龜手不恤自給糟糠而已十五載
姑歿林哭之哀會歲饑採茶以食死而復蘇卒年
五十二

謝氏劉廣侯妻年十八于歸越歲而寡以姪阮爲嗣
積紡績餘貲延師課子後舉歲貢授福清縣訓導
孫婦趙氏二十而寡子在襁褓氏勵節孝養矢志
不移

蔡氏嚴宗妻年十九寡屏居食貧膏沐不施舅姑宗

族咸禮之年八十餘卒

莫氏薛鉅妙妻年二十八而寡家貧子幼諷之嫁不可苦節五十四年卒孫婦趙氏年二十夫死育嗣訓方屏居深室中罕見其面卒年六十三

林氏朱孟嘗妻孝子孟愷嫂年二十三夫歿七日不食舅姑徐解之曰我垂白矣若死何靠且獨不念爾遺姪乎乃忍死矢志歷節四十餘年

溫氏陳元都妻年二十六寡紡績以鞠遺孤雄歷節四十四載與雄同歲俱歿時人哀之

蔡氏諸生陳玉崑妻年二十九寡撫二孤歲饑出錢穀賑里族之貧者并捐資收枯骨葬埋年六十八卒

王氏林炳日妻年二十四寡撫幼子增光成立康熙戊子登武科年八十七卒

陳氏李庸祚妻年二十五夫歿男向榮甫二歲妾陳氏年二十四相與撫子恩勤兼至向榮及諸孫相繼成名人謂二陳苦節之報

鄭氏諸生林心妻年二十五而寡子冀州及長娶婦又歿婦蘇氏年二十二姑娘相倚孀節竝著

趙氏唐德求妻年二十六而寡無子爲夫立嗣後翁

任訓導趙隨任清晨必櫛沐祝天以祈翁壽年四十三卒

蘇氏林德元妻年二十八寡二子俱幼姑老病臥牀親自灌園以給菽水歷節三十八載卒

陳氏黃幼亨妻年十八于歸順治十二年城陷夫被害無子陳守節立嗣歷五十八年卒

黃氏陳達侯妻年二十八寡子材甫週歲稍長延師訓督伯廣文資以膏火及姪孫構幼孤不能自存黃爲撫養竝代婚娶卒年七十八

劉氏廩生陳興德妻年二十八寡撫嗣子成立時興

德弟興道興讓相繼病歿興道妻蔡氏年二十四興讓妻黃氏年二十三同居勵志以養翁姑營墳墓勗子孫門內肅穆無諍語蔡氏黃氏各年七十卒

黃氏王得上妻得上病篤顧黃嗟嘆黃曰婦人從一而終君不諱願以死報得上曰死者所必不免但念嗣續爲重黃斷髮誓曰君勿憂妾等壽之熟矣時年二十八歲純靜治家撫嗣子成立卒年三十有七

林氏許亦周妻亦周讀書不遇早世林年二十八子

根纔五歲拮据撫育事老舅以順謹聞

陳氏諸生吳必甲妻年二十八寡姑老二子俱幼陳以紡績餘資養姑撫子歷節三十四載次子崑玉歲貢生

李氏林光日妻年二十五寡撫孤子至於成婚而卒媳唐氏同志苦守歷節六十四年人謂姑媳雙貞盧氏黃學穎妻年三十寡撫孤傑雲方七歲課督有成知府卞永嘉獎以懿德流芳歷節三十餘年

孫氏耆賓黃雲鳳妾年二十七寡子夢龍尙幼嫡陳氏垂白孫以紡績餘貲事嫡撫孤歷節五十五載
葉氏林瑚仲妻二十九歲寡康熙間火延其居人皆顧家貲葉獨抱木主出卒八十三

茅氏王簡臣妻年二十七寡二子俱幼艱苦不易其操卒年七十八長子君璧工琴棋醫術資所得以養母

何氏唐廷掄妻年二十一寡矢志養翁姑撫遺子足不踰閭者二十年尤能曲體姑意卒年四十一
李氏黃雲竹妻年二十七寡翁病刲臂以奉課子詩書後皆入泮

林氏貢生炳烈女茅起鏞妻年二十四寡翁姑年老

遺孤景崧甫四歲林獨矢堅貞克盡孝慈歷節三十二年卒叔妯陳氏十八歸起鉉二十八寡陳撫二子成立從姪朝婦蕭氏年二十三寡與諸姑食貧守志人欽其節

彭氏詹伯永妻年二十寡父母欲奪其志不從兄弟又勸之遂絕迹外家自食其力非出已手者不受始終一節歷年八十二

李氏余文茲妻年二十而寡遺腹一子撫至長忽歿家貧三旬九食食貧勵節見子姓必以禮孀守五
十三年

傅氏茅元琳妻年二十六寡家貧子幼山寇竊發掠其家姑手爲賊所斷負割伏牀傅扶掖洗滌七八載勿懈庭有柿樹族人以傅孝舉以畀之戒勿剪至今結子離離人呼爲孝婦柿卒年五十八

薛氏鄭天福妻年二十四寡無子翁歿久不能葬薛悉力營墳立姪爲嗣姑歿喪葬如禮卒年七十一
邱氏陳鎮洪妻年二十四寡一子方在襁褓邱以紡績度日先是祖姑何氏年二十四夫歿亦以節著人謂邱之節無愧於何云

鄭氏林虞斯妻年二十七寡遺孤甫晬遇翁姑忌涕

泗不能飲食卒年六十四

葉氏諸生黃正坤妻年二十一寡時當兵燹室嘆調
饑葉勤劬孝養以壽終

康氏陳華峪妻二十七歲夫歿孤幼家貧以織紵爲
養子國耀奉母惟謹撫同祖諸弟聚食而居者四
十餘年無疵語

林氏陳華崢妻華崢歿林年二十有九有助以祿賻
者林泣却之敬事庶姑撫藐孤百苦備嘗一日林
方治厨有議婚者怒刃左掌血淋漓以示議者驚
謝云

陳氏張捷卿妻年二十四守節立嗣性又好施鄉鄰
俱稱其仁卒年八十二

陳氏庠生朱謙益繼妻年二十三謙益歿撫前妻子
庠生雲從及已子風從教養兼至年七十五卒

唐氏歐敬妻年三十敬卒唐念翁姑已逝已又無嗣
家門莫支回父家苦守五十餘年資針黹工以食
卒年八十有二

朱氏刑部主事程震元孫明卿繼妻年二十寡遺腹
一子隨歿朱居一室未嘗見齒逢夫忌以紡績錢
具祭物慟哭病劇自喜必死沐浴易服返席而卒

從叔姒陳氏年二十而寡欲以身殉因姑在且有
娠不卽死後產雙男長隨歿僅遺一孤陳不膏沐
不出門閱六年以哀傷死咸稱程門雙節

何氏蕭其鏗妻夫死年十九遺孤大垣鞠育以成歷
節五十載

張氏林雲說妻年二十三寡歷節五十一載奉
旨旌表子監生增大娶劉氏年二十八增大歿姑媳
相依跡不出戶孫文啓娶劉氏年十六寡三十二
卒一門三婦俱以節著

鄭氏庠士王儼然妻十八于歸二十七寡遂茹素以
女紅餘資孝養舅姑撫四子俱至成名乾隆三年
旌

嚴氏知州昌構孫女年十七歸庠生林廷隆會翁病
氏焚香以禱翁得痊年二十五夫歿絕粒十日期
以身殉舅姑解之曰爾一子甫晬余又老死將如
之何乃稍進飲食屏居一室至老足不踰閭子世
瑞候選州同乾隆間旌

嚴氏陳榕妻年二十歸榕越八歲寡翁姑雙白二子
大受元篤俱幼嚴事老撫孤姑病篤嚴護持臥起
願以身代翁老膳羞必躬親之二十餘載如一日

元篤邑諸生舉優行嚴以子大受官州同 封安
人乾隆間 旌

陳氏王士絢妻夫歿兒方週歲陳哀號潰一日閨門
之外不經足步

林氏黃萬未婚妻萬久赴臺灣不歸林屢却他聘年
三十餘萬母病篤林往事盡孝卒爲治喪期年仍
歸父家不再字

吳氏黃序溫妻年十八歸黃甫六月夫溺水死訃者
取扁挑以報吳對之哭幾絕救乃甦因奉扁挑寢
處必偕有諷之他適厲色斥之翁姑相繼臥病吳

割股以療

孫氏陳萬卷妾年二十五寡偕嫡吳氏守節越二載
嫡歿家徒四壁撫二孤又相繼殞勤紡績以自給
祭時必備酒肉畢則分諸家人歲饑有餽之粟不
受爲族人賃舂餬口

吳氏郭皇建妻二十五而寡事翁姑敬順無違姑黃
氏病篤吳衣不解帶隨侍寢側祝天割股尋愈撫
子成立苦節四十三載

鄭氏黃見龍妻年二十三寡嗣尋夭再立姪郎以繼
郎甫列諸生又歿撫其遺孫守節數十年

何氏林先博妻年二十寡勤慎不出戶域

陳氏王元崇妻年二十寡無子父母屢勸之嫁不從

遂絕跡外家立從子為嗣勤紡績以自給守節六

十餘年已上
仙遊

已經 旌表節孝

貞女林氏 林氏童方銘妻 盧氏林大巒妻 林

氏儒童黃芸妻

俱乾隆間
以上莆田

旌

胡氏李書勤妻乾隆間

旌以上
仙遊

未經 旌表節孝

鄭氏黃迹妻

程氏林承墀妻

朱氏林廷清妻

徐氏林聖和妻

林氏黃聖芳妻

林氏劉成瑛妻

方氏戴為左妻

黃氏阮荆妻

黃氏林文英妻

黃氏洪祖禮妻

林氏彭尙友妻

郭氏戴有士

妻 陳氏郭英妻

林氏黃道燭妻

張氏盧孟宗

妻 林氏黃祥仲妻

王氏程近馥妻

劉氏黃志

殿妻 林氏黃師常妻

陳氏黃元標妻

林氏黃

君榮妻

陳氏方萬裕妻

黃氏方肇向妻

林氏

周右人妻 潘氏江萬侯未婚妻

黃氏庠生翁源

熙妻 卓氏黃成林妻

吳氏李長謙妻

周氏李

聖學妻 王氏吳彥輝未婚妻

余氏林叔航妻

林氏宋秉公妻 陳氏翁師佩妻 鄒氏邱開淵妻
 陳氏王廷禎未婚妻 曾氏黃師華妾 李氏陳
 玉于妻 王氏何瑞樑妾 林氏徐維翰妻 林氏
 張餘侯妻 周氏林駿人妻 方氏翁天垣繼妻
 廖氏黃瞻斯妻 黃氏方周侯妻 黃氏陳溥妻
 俞氏翁志章妻 林氏黃裕妾 廖氏林季盛妻
 黃氏陳元禮妻 阮氏何巨源妻 徐氏林若軒妻
 許氏林金生妻 周氏方有賓妻 陳氏余獻若
 妻 方氏許韜生未婚妻 程氏陳異斯未婚妻
 沐氏姚名雋妻 康氏姚于達妻 陳氏姚來翥妻

黃氏崔舜豪妻 黃氏林世岐妻 戴氏方大章
 妾 林氏游仲師妻 柯氏唐孟瓊妻 黃氏薛廷
 樞妻 陳氏姚兆金妻 李氏彭鎰妾 蕭氏蘇聖
 達妾 鄭氏蘇萬寶妻 黃氏翁文侯妻 梁氏吳
 儿士妻 黃氏王允萬妻 高氏林興初妻 鄭氏
 馮謙徵妾 周氏林元升妻 黃氏林司周妻 廖
 氏林葉妻 林氏鄭少吉妻 王氏章學會未婚妻
 黃氏林天祝妻 陳氏林其懋妻 陳氏方寬妻
 陳氏李正綦妻 高氏李正綦妾 何氏吳揚侯
 妻 唐氏朱獻若妻 朱氏彭朝修妻 周氏彭朝

俸妻 戴氏連季清未婚妻 陳氏鍾行周妻 李
氏林堯日妻 黃氏林向太妻 林氏郭嘉謀妻
方氏林學田妻 張氏林焚妻 林氏程學洛妻
黃氏程鎮妻 朱氏程學雍妻 潘氏宋燦妻 陳
氏李蜚聲妾 姚氏彭鑄妾 柯氏鄭仲熙妻 鄭
氏余允厚妻 王氏徐秋未婚妻 林氏張元爵妻
朱氏何曰棟妻 翁氏陳乾初妻 許氏林公苑
妻 楊氏黃茂妻 程氏林旭妻 方氏陳步蘇妻
葉氏徐昂載妻 張氏鄒天璧妻 陳氏方震公
妻 陳氏彭與略妻 劉氏陳季高妻 陳氏林位

昭妻 陳氏黃學斯妻 鄭氏朱特士妻 鄭氏林
良仲妻 陳氏鄭慎步妻 林氏劉爾澄妻 周氏
黃銘繼妻 柯氏宋齊賢妻 朱氏許登龍妻 朱
氏方元珏妻 何氏戴奕璋妻 葉氏知縣戴程甸
媳 曾氏陳宗迪妻 林氏陳學植妻 陳氏鄭斌
昇妻 林氏王應濤妻 何氏張膺斯妻 林氏李
奕輝妻 李氏王亞祈妻 陳氏方子雅妻 朱氏
謝與玉妻 宋氏陳龍會妻 王氏陳而厚妻 陳
氏彭駒妻 陳氏潘振友妻 周氏潘宏勳妻 郭
氏鄭賓斯妻 宋氏方紹印妻 陳氏方岳齋妻

游氏陳公雲妻 黃氏林與卿妻 鄒氏周域妻
鄭氏楊弼侯妻 康氏陳爲先妻 朱氏林世求妻
林氏張丹吉妻 林氏張爲騶妻 鄭氏劉君仁
妻 戴氏方端棫妾 鄭氏吳聖尊妻 黃氏彭廷
經妻 徐氏顧奕男妻 林氏顧恩若妻 徐氏顧
慎若妻 吳氏林長桂妻 盧氏方子瑞妻 方氏
李懷公妻 黃氏周斯行妻 彭氏徐正學妻 鄭
氏黃舜奕妻 游氏李朝尹妻 陳氏方聖起妻
陳氏方文雄妻 陳氏姚朝高妻 陳氏鄒淑震妻
林氏蔡元文妻 翁氏林克來繼妻 黃氏張德

士妻 林氏宋灑妻 劉氏宋聖時妾 陳氏黃和
仲妻 余氏蔡天材妻 黃氏宋汝霖妻 伍氏許
殿英妻 王氏蔡來士妻 許氏周思質妻 林氏
彭巖繼妻 陳氏姚旭斯妻 鄭氏劉煥伯妻 陳
氏林君祿妻 鄭氏李仁山妻 林氏鄒琚春妻
李氏蕭汝霖妻 周氏鄭徽若妻 林氏黃世雲妻
方氏陳滙妻 鄭氏陳銓妻 宋氏林士勤妻
康氏鄒自東妻 翁氏林順吉妻 林氏彭乘珠未
婚妻 陳氏林俊曾未婚妻 鄭氏方人文妻 魏
氏吳子厚妻 陳氏吳聚星妻 游氏黃燦妻 鄭

氏翁祿富妻 游氏黃道滂妻 陳氏方河妻 鄭

氏陳邁興妻 王氏詹銘斗妻 朱氏劉君熊妻

陳氏戴殷士妻 陳氏劉遂人妻 鄭氏陳仲璟妻

李氏游金閻妻 廖氏黃大城妻 吳氏陳志上

妻 陳氏郭郊妻 吳氏林慕人妻 鄭氏謝恩妻

林氏鄭繼隆妻 林氏鄭繼盛妻 宋氏葉公謀

妻 林氏黃泌妻 林氏周泳臣妻 梁氏翁忠心

妻 鄭氏翁忠翰妻 鄭氏陳政侯妻 林氏陳榆

生妻 林氏方雍若妻 林氏宋禎沔妻 魏氏柳

立公妻 陳氏林士俊妻 鄭氏黃興中妻 柯氏

何毓來妻 鄭氏朱廷擢妻 李氏方允文妻 葉

氏吳雲鸞妻 郭氏李漢標妻 以上莆田 黃氏陳仁妻

林氏何斯來妻 徐氏林琦妻 陳氏王敏卿妻

林氏陳萬珍妻 余氏李文華妻 焦氏陳元妻

嚴氏張國偉妻 陳氏張成琰妻 李氏何義斯妻

張氏陳宗爵妻 余氏曾大妻 嚴氏唐為欽妻

蔡氏張文韜妻 游氏王仕秀妻 陳氏傅開典

妻 羅氏吳翰妻 林氏戴鴻思妻 陳謹妻王氏

妾林氏 余氏何斯遠妻 張氏吳君舟妻 劉氏

鄭宗妻 陳氏鄭存妻 盧氏陳萬毅妻 吳氏許

愛生妻 莊氏許時行妻 黃氏岳雲鵬妻 何氏
李爵師妻 李氏陳兆仲妻 邱氏唐兆鼎妻 黃
氏林振瑤妻 董氏林君美妻 張氏鄭應仁妻
張氏吳通妻 蔡氏林際泰妻 郭氏李琰妻 王
氏吳韓仲妻 陳氏嚴孟祐妻 鄭氏陳明良妻
鄭氏張而常妻 英氏連莊恭妻 張氏吳坦妻
顏氏林質妻 林氏魏輝典妻 詹氏黃名亞妻
林氏曾起蛟妻 陳氏郭嘉仲妻 傅氏黃子南妻
蔣氏黃仁妻 李氏陳元璋妻 陳氏王輝妻
朱氏方仲燠妻 朱氏方英文妻 黃氏王向春妻

陳氏黃譽妻 吳氏林文程妻 盧氏陳正業妻
吳氏陳正理妻 余氏陳俊人妻 羅氏黃克紹
妻 胡氏陳正璣妻 姚氏陳正銳妻 黃氏傅禎
典妻 陳氏吳君實妻 鄭氏林遠妻 林氏許敬
生妻 陳氏許和生妻 莊氏林章侯妻 林氏朱
瀛士妻 陳氏唐熙謙妻 鄭氏吳宗光妻 陳氏
傅華瞻妻 黃氏吳高標妻 陳氏林仁霍妻 陳
氏蔡十雨妻 黃氏鄭培子妻 林氏劉淑曜妻
余氏莊廷舉妻 邱氏王聖尊妻 胡氏王仲籍妻
盧氏郭若丹妻 李氏劉長春妻 吳氏莊騰麟

妻 潘氏鄭公協妻 梁氏林爲盤妻 柯氏游宏
志妻 張氏林斗三妻 劉氏廖國樑妻 陳氏張
繩武妻 王氏陳愧唐妻 鄭氏吳東煖妻 彭氏
吳東明妾 劉氏黃志雄妻 楊氏陳如璟妻 嚴
氏陳上達妻 黎氏鄭欽耀妻 林氏李廷榕妻
翁氏俞德奇妻 何氏鄭德純妻 陳氏徐名鳳妻
嚴氏林天益妻 朱氏陳仕秦妻 張氏茅運珠
妻 許氏黃雲會妻 李氏何志璜妻 張氏徐榮
嘉妻 葉氏余獻升妻 鄭氏劉建兆妻 陳氏林
子秀妻 范氏謝時顏妻 曾氏謝榕妻 黃氏陳

鴻妻 謝氏陳廷仁妻 劉氏陳名世妻 張氏林
元妻 阮氏陳廣章妻 林氏嚴光森妻 陳氏唐
德寧妻 邱氏陳榮虞妻 吳氏陳榮悅妻 陳氏
吳衡若妻 曾氏范帝垣妻 張氏范帝垣妾 屠
氏傅世琦妻 宋氏劉元禧妻 余氏陳興妻 李
氏林祖星妻 陳氏屠山繼妻 徐氏王三達妻
梁氏陳進璋妻 陳氏 聖初妻 蔣氏鄭鎮凡妻
林氏張文起妻 黃氏陳永錫妻 王氏鄭升元
妻 蘇氏陳循士妻 楊氏黃名釗妻 陳氏張于
周妻 吳氏林韓舉妻 林氏方雲峩妻 黃氏阮

世柱妾 余氏游添妻 陳氏連衡士妻 鄭氏楊
慎妻 蔡氏余季顯妻 許氏林德聖妻 李氏陳
弼臣妻 鄭氏林夢麟妻 陳氏吳敬周妻 林氏
羅國華妻 林氏郭叔志妻 郭氏林試妻 林氏
張重興妻 吳氏黃爾選妻 鄭氏李毓崇妻 陳
氏李雍妻 林氏周子芳妻 何氏張國鼎妻 陳
氏陳燧妻 楊氏朱健飛妻 許氏朱學揚妻 魏
氏彭天樞妻 朱氏林震坤妻 余氏林奕煌妻
陳氏蔡雲從妻 王氏張成琨妻 曾氏林公洲妻
楊氏周昭雄妻 楊氏黃達妻 陳氏林公遜妻

蔡氏陳必甲妻 林氏陳荆石妻 黃氏林光攀
妻 林氏王文乾妻 梁氏陳士侃妻 李氏儒士
嚴明斯妻 莊氏張廷昌妻 林氏張見龍妻 吳
氏蔡聞叟妻 林氏鄭序妻 曾氏吳昆鸞妻 黃
氏邱欽遠妻 吳氏邱柔妻 江氏林翰壹妻 陳
氏黃堯垣妻 黃氏游友士妻 陳氏游章士妻
李氏林廷珍妻 謝氏楊鍾嶽妻 林氏吳模妻
余氏林顯謨妻 李氏余綠雲妻 游氏沈廷煥繼
妻 陳氏林奕協妻 詹氏黃漢觀妻 陳氏張維
爵妻 柯氏林澄妻 林氏徐特星妻 方氏李珂

朱氏方英文妻 張氏鄭幼贊妻 杜氏盧泉

達妻 以上 仙遊 祁氏舉人鄭帝眷妻 莆田

貞烈

吳氏名兆治林琦未婚妻年十八聞訃奔喪孝事太翁紡績資養翁病篤割腕肉和糜以進病立愈未幾翁歿氏艱苦儉積卜葬歸依於母乾隆七年母家失火氏抱翁姑與夫木主慟哭民舍被燬而氏數椽獨完人謂鬼神護之母既歿且葬氏嘆曰吾所以不即死者為母也今尚何待遂堅臥絕粒十餘日卒年六十四

姚氏陳季寅妻年二十二寡越數歲遺孤殤氏痛夫及子擇日自盡

陳氏戴萬經妻萬經海上運載為業乾隆參年過寧波風狂舟覆氏聞信痛哭坐小船望洋叩拜投於海時年二十六

唐氏林祐妻年二十夫歿為夫立嗣營葬畢拜謝翁姑吞金盡節

周氏彭弼侯妻年二十夫卒痛悼欲絕立嗣營葬畢自經死

吳氏李漢聞妻二十六歲夫亡遺一子食貧守節母

子相依越數載而孤又歿氏撫棺大慟不食七日死

林氏都憲恭章世孫女魏國賢妻二十三歲夫歿理喪事畢吞金殉節

方氏武舉蕭捷春妾年少夫歿絕粒以殉

潘氏李輝孫未婚妻適理炊爨輝孫訃至氏吞聲含淚俟飯熟給稱門外浣衣母往視之已赴水死

俞氏沈棠妻年十八容色美麗耿賊至涎而執之竝執其夫以挾之氏計脫其夫乃與賊抗威以刃就刃逼以火赴火卒被幽禁乘間投繯賊怒磔其尸

而棄於河

周氏鄭耀人妻年三十夫卒僅一子翁老病赤貧如洗氏紡績以奉晨昏數年翁與子相繼歿氏不食數日死

林氏名蘭芳貢生林一璘女黃士洙妻夫歿氏年二十六生子昺甫晬守寡撫孤未幾昺殤絕粒半月死

林氏陳肇修妻夫歿氏年二十三矢志守節養翁至終喪葬畢從容自盡

陳氏李兆光妻十七適兆光越二年夫歿遺腹生啓

立陳與祖姑朱氏共寢處五載朱歿及葬陳攜孤
拊柩哭遂不食十三日卒

黃氏增生林鑑妻二十四歲夫歿哭極哀喪盡禮立
嗣承祧將卒哭沐浴更衣閉戶自經死祀節孝祠
王氏興安州同知黃登甲男維中妻年二十二寡忍
饑守貞爲夫立繼畢卽盡節死

許氏舉人翁帝城妻年十五于歸事舅姑盡婦道夫
病篤氏籲天請代夫歿納髮於柩中不食十餘日
卒 旌祀節孝祠

朱氏陳八士妻時海寇猖獗八士同氏攜兒女入山

避難至東山男婦衝突失夫與男所在氏哭謂女
引治曰賊且至遭掠我分必死解衣帶自經引治
亦自縊

張氏林應金妻事姑克盡婦道姑病刲股和粥以進
姑病愈夫又疾篤氏叩天願以身代潛赴水死越
日而夫遂愈

陳氏監生林光藜妾嫡程氏生男焯甫八歲程與光
藜繼隕氏年二十一念主柩未葬藐孤弱小矢志
守貞家貧紡績資焯膏火讀書爲夫營葬及焯入
泮氏慨然曰妾今可以從主君地下矣從容就義

喻氏吳煥叟妻夫歿氏青年守志孝養老姑姑歿痛哭斷餐月餘身死

鄭氏林清若妻二十一歲夫歿服闋遂殉節祀節孝祠

余氏姚陵如妻十八于歸夫病日奉湯藥甫五月夫歿氏與家人訣入室自經死

鄭氏方璧仲妻年二十一遭變被掠不屈自縊死翁氏周潛芳未婚妻年十九潛芳歿卽歸周奉舅姑闋一年捐軀以殉

鄭氏鄭夢陞妻二十二歲夫歿殉節祀節孝祠

田氏貢生陳檜堂妾夫死旣殯遂殉節焉

陳氏林澄未婚妻澄夭氏聞訃奔號拜舅姑擇繼嗣營窀穸從容就義

李氏林協生妻年二十五夫歿無嗣氏飲泣三年力營窀穸吞金死

吳氏庠生林潛光妻夫入泮旋亡氏爲立後奉養翁姑期年不食而死

黃氏吳廷揚妻婚二載夫亡立嗣終喪母迫再醮遂吞金死

林氏黃子萬妻夫歿養翁姑終年服闋擇夫忌辰縊

死奉 旨建坊

吳氏林九莊妻年十八于歸半月夫亡未期年二老相繼歿自經死

戴氏彭章侯妻年二十二夫亡無子罄賣裝資爲舅姑及夫營葬畢預治棺衾蠲日拜宗祠與戚屬訣別投繯死

陳氏黃華崗妻能詩華崗業版築性卞急稍不如意輒加呵責氏毫無愠色二十一歲華崗死念舅姑年老曲意以奉養殮舅姑歿喪畢投繯卒

頤氏余槃曾未婚妻曾逝氏聞訃剪髮奔喪事舅姑備極孝道爲夫立嗣經紀喪葬事畢嚙金盡節鄭奇治林重華未婚妻聘一歲而重華卒鄭年方笄聞訃奔喪以翁老延命旦夕孝養盡禮翁歿卽絕粒死

黃氏林朝對妻年二十七而寡勤女紅孝養翁姑二十一載翁姑旣逝立嗣捐軀殉節

林氏余叶公妻年二十九而寡卒哭後閉門自經吳氏黃恩老未婚妻甫聘而恩老歿氏入門哭盡哀終夫之服戶外不窺擗績以供舅姑舅姑繼殞負土葬畢絕粒十三日未死吞金殉節

盛佟姑王遠治未婚妻遠治客殞於蜀訃至女卽欲
自裁父母力止之有議婚者女遽投井死出之復
甦越十五載兄公自莆至女謀同歸至則室如懸
磬族正上其事於縣撥祠租五石贍之女爲夫立
後未幾嗣夭女大慟曰不死復何待乎遂投繯死
俞氏林樹雅妻年十九于歸越四載樹雅賈殞臺灣
氏聞訃慟絕勉強含哀立猶子藩爲後卽投繯死
鄭氏知縣林嘉楠妾博群書知大體能背誦函史全
帙嘉楠臥病令其授兒孫句讀經義篝燈課督不
啻嚴師夫歿氏卽欲引刃自裁爲家人救免哀慟

成疾絕粒伏牀子作桂割股和糜以進氏曰從爾
父於地下吾之幸也兒當以顯揚爲孝毋毀傷體
膚不啜湯藥而卒

唐氏宋宜信妻事翁姑孝夫病羸籲天請代夫竟歿
氏年二十三擇姪爲嗣欲自殉延至浹月先期絕
粒於夫亡之辰盥櫛易服跪以告翁曰媳不能盡
孝矣卽吞金而逝

林氏陳敏妻家貧如洗充海壇卒歿於海氏紡績事
姑終年喪葬畢亦投海死

黃氏鄒堯望妻十八于歸八載夫歿氏絕粒以殉

林謙治年十六配陳家父母嫌貧別受聘女自縊死
葉氏陳敬厚妻夫歿臺灣無子紡績養老翁翁歿託
所親取夫骸歸葬訖吞金死

陳氏鄭瑞卿妻夫歿氏經營殯葬絕食死瑞卿弟萬
卿妻陳氏夫死治事畢亦吞金死

陳氏林于維未婚妻于維卒氏方十九奔喪奉舅姑
紡績以給舅姑歿吞金而逝年三十九

朱氏鄭于振妻年二十四而寡矢志奉姑撫二歲兒
夢陞成立娶婦陳氏夢陞又歿陳卽自盡朱撫孫
至六十四歲卒

林氏知州奎孫女廩生盧肅謙妻肅謙勤學病歿氏
年二十八吞金盡節

陳氏郭煇治妻煇治歿於臺灣氏聞訃悲號飲金盡
節時年二十八

以上
莆田

鄭氏陳璣妻夫婦避難邑中鷄鳴出汲強暴欲侵之
怒罵不辱歸卽自經

吳氏諸生陳日京妻家徒四壁二老垂白氏勤女紅
以供饘粥積有餘貲備舅姑後事撫子浹周列第
子員城陷服藥死

鄭氏本學教諭燠女燠就試公車女居學舍順治間

城陷被執女曰速死爲幸豈受辱耶爾曹較輓鄉
邦大兵至死無日矣賊殺之龍門下幾無完膚燠
歸以事聞 旌其義烈

張氏鄭廷袞妻順治十年七月山寇刼掠與次男婦
蘇氏同時被執張罵賊不屈賊怒刃之札傷踰日
死蘇亦觸刃死子世御娶張氏年十八寡無子爲
夫立後歷節四十六年一門三節論者贊之孫重
光貢生

張氏嚴元裕妻年二十二夫外亡子甫三歲張撫子
育孫及子與孫俱歿遂自經死年七十五

林氏行人司徐穉佳妻孝事翁姑勤針紉佐夫讀書
及夫貴無驕色夫死林卽自經

鄭氏林寅宣妻寅宣死鄭捐生以殉奉 旨旌表

顧氏舉人翁韜妻韜自京回卒於蘇州訃聞顧哀毀
不欲生趣韜弟及僕往扶柩喪抵東關親屬舉出
迎顧往熟視觀都不哭哭亦不能下一淚時衆築
土室厝韜柩顧曰爲我擴數尺地且移柩往左虛
其右以待絕粒數日親屬來訣者皆強起迎送拜
跪如禮鷄未鳴卽起結束衣皆布素出手製因語
韜弟非出吾手者慎勿加吾身且速扶吾柩就吾

夫乃望空拜以次拜舅姑之靈及其父遂自經年二十九耳

翁氏舉人韜姪女年十七字何志周婚期前一日志周歿翁欲奔喪韜妻顧氏以尋帛中裂之各藏其半及韜妻就義翁卽懷所藏帛歸何門事舅姑終年撫志周幼弟長成食貧茹苦弟某利其有卽出所藏帛經死人皆傷之

林氏諸生巖克昌妻克昌歿林年三十四服喪期年將殉節日啜湯茗數勺預備身後一切及期辭舅姑加帛而逝

徐氏年十四歸儒士吳樑二十八歲夫歿以翁老勤苦服事病篤刲臂以療越十六年翁歿喪葬以禮及卒哭謂族戚曰所不死者爲翁老耳今翁逝願隨夫地下遂自經死

鄭秀洽幼字陳棟年十九將婚棟忽病故訃至鄭卽絕粒囑父治棺衾誓以身殉不可奪乃備衰經歸棟家拜哭夫靈卽自經死

李氏董吉妻吉死家貧兄弟來勸慰李不答不哭又不食越九日自經死

許氏天章女少知書年十六歸張松逾年松病革謂

許曰我死家貧汝當嫁許曰若不諱三日卽尋君
矣及松死遂絕粒治夫喪踰月自經死

蔣氏陳惠郎妻二十有三歲夫歿哭絕而蘇屢引刀
自刺妯娌救慰蔣曰吾歸陳亦死陳耳及期父母
憐其少別委禽焉氏入室自經

某氏林春妻早寡無子事翁姑終年喪葬畢乃自經
吳氏何斯泮妻年二十二斯泮歿養姑撫子姑歿悉
力營葬並及先人未葬之骸未幾子又歿乃自經
林氏嚴棣妻棣歿林年二十九歲僅一女拮据殯葬
潛抱幼女俱投於池覺而救之女死氏嘆曰是固

非我死所也翼日自經於寢室

鄭迎娘字嚴滂年十八將婚滂歿奔喪哀毀欲殉或
勸之乃止未幾滂弟殤議嗣已定告別舅姑遂自
經

林氏儒士鄭蓋臣妻夫死殉節

陳氏生員林炳謨妻夫歿哀痛泣血遂自經死

林氏陳上侯妻年三十寡無子撫女三長阿治甫十
歲次捷治三治俱幼姑早歿事舅以禮越數載舅
以乏男輕之林泣告阿治曰寡母弱女不死何俟
阿治泣請以身從乃縫固衣帶抱幼女自投於清

溪阿治捷治隨死

黃氏年二十適阮尙越一年而寡遺女甫五歲又暴卒黃為夫營葬以裾掬土落成歸服毒死以上仙遊

福建續志卷六十四

列女六

泉州府

國朝

名媛

陳氏許其崑妻性靜淑有林下風其崑游學四方姑病危劇氏抱持日夜弗懈脫簪珥易參苓辛苦勞瘁嘔血數升屢瀕於死更號天願以身代姑歿不食數日喪殯如禮夫從祖廷楫為立孝婦傳黃氏顏欽錫妻夫歿海氛復熾征餉家耗兵凶頻仍

強自支持奉養老姑延師課子子儀鳳成進士

施氏蔡都憲仕州妻舉人教諭德馨女家貧常煮糶

糠為食勤紡績以供祀事及仕州宦遊撫孤姪如

已子悉為婚娶竭力營舅姑葬累封恭人猶衣布

素多綻補遇貧苦則盃粥必分後無疾而逝

丁報珠字含章按察使煒女嫺吟咏未嫁而卒

吳班字玉姿貢生陳一策妻提督英孫女叅議應麟

女著有綺窓遺吟一卷洗去脂粉之習

以上晉江

池氏富中璜妻幼能背誦內則毛詩善屬對其父嘗

出句云牕小從月入應聲曰天大罩江流父異之

長歸中璜舅官京師事姑孝及中璜司鐸沙縣修

學宮俸微不贍氏出奩金以佐夫卒於官遺孤七

齡扶柩抵里長齋課讀姑歿盡哀舅老致養舅卒

有外侮氏理禦之家賴以寧族稱其賢智

陳氏孟宇女李日燧妻事翁姑孝嘗與妯吳陷賊賊

將先歸陳以趣賂陳謂吳曰吾一子在父所而妯

五男陷此吾丐妯扶一姪歸吾請護四姪以待賂

吳歸諸姪病赤身臥石上陳入豕欄竊草藉以薦

及夫兄日燧破賊乃免吳即光治母贈太夫人

鄧氏總兵李日烺妻姑患喘晝夜撫摩不懈寇發偕

側室鄭避亂山中鄧奉姑鞠子鄭負米折薪備極
勞瘁及夫膺節鉞更置妾媵數十并無疾妬鄭事
嫡亦謹始終無間言先八年歿鄧以壽終以上安溪

節孝

蘇氏世益昌妻年二十七夫歿舅老子幼矢志孀守
卒年六十四

韋氏黃昇孕繼室事姑孝兵亂時護持尤謹夫歿守
志後葬昇孕其子欲營三穴韋曰爾前毋張無出
當與父同室吾死別兆可也

蘇氏林良夔妻年二十五夫歿事舅姑孝卒年七十

九子忠順順治己丑進士官知縣

張氏蔡恒中妻恒中死舅中氏撫六歲幼子女紅以
養舅姑曾孫帝簡舉人

練氏郭氏顏翼龍妾嫡艱於嗣練生二子俱殤郭生
一子寡時練年二十九郭年二十三矢志撫孤事
姑及嫡嫡歿郭事練唯謹家貧兵亂扶姑挈子艱
辛走匿後子娶婦甫生孫而婦歿二氏復翼孫以
長練卒年八十五郭卒年八十四

柯氏世哲侯妻哲侯貿易赴漳中途被害訃聞呼號
誓死苦守一孤父母欲奪其志不可年六十卒

李氏邱堯觀繼妻年二十而寡無子以姪錫爲嗣撫
教成立舉鄉薦官知府氏封恭人壽一百有二
蔡氏諸生陳夢陽妻夢陽死子方五歲誓志鞠育力
貧苦守年八十七卒

唐氏蘇若采妻年二十三而寡撫孤毓侃成立娶婦
王氏生三子毓侃亦早卒姑媳相依守節數十年
仲子有沛舉於鄉

吳貴舍許字莊儀瑛瑛死毀容自守夫兄延裕迎歸
廟見立嗣撫之嗣子復天氏卒年六十餘卒之日
里禾垂熟忽槁

鄭氏莊鼎臨妻生子四歲夫歿苦節堅守及子娶婦
張氏又天姑媳兩孀相依撫孤五十餘年

王氏蔡向著妻年二十夫歿事姑孝撫孤爲東成立
領康熙癸巳鄉薦官知縣

伍氏諸生黃履謙妻年十六歸黃未幾夫歿僅遺幼
女又殤乃立夫弟之子爲嗣矢志守節四十餘年
郭雪佳知府世純女夙嫻吟咏適周宗滉夫歿事舅
姑孝撫孤成立壽七十五

李氏諸生陳墀元妻嫁兩月夫歿與姑同寢處三十
餘年以夫姪爲嗣撫養成

李氏黃鳳生未婚妻鳳生歿訃聞女年十六泣告父母往奠舅姑老且貧又無次男女留家侍養爲夫立後白首完節

洪氏黃之騏妻騏早卒惟一女氏以夫姪爲嗣奉姑守節以終

楊氏龔淑妻歸逾年夫歿家貧事姑唯謹姑歿氏繼殞親鄰傷之

李氏陳禹平妻年二十五而寡孝事舅姑撫二子有成觀風整俗使劉師恕題匾旌之

黃氏王希曾妻歸六年夫歿撫孤成立孀居五十餘

年

蔡氏諸生蘇鳳垓妻前太僕卿鵬霄女歸八年而寡三子皆幼守節奉姑鞠三子俱成名壽七十九卒長次皆貢生季振芳舉人知縣

陳氏諸生楊祚昌妻年二十五而寡事舅姑孝撫教子丹鳳爲諸生年五十八卒

蔡氏世宗煊妻教諭杓光女年二十三而寡一子女俱幼氏孝事舅姑年四十四卒

紀氏林騰春妻年二十九而寡孝事老姑撫養三孤成長卒年七十郡守給匾旌之

陳氏施德亮妻年十七生子五月而德亮歿守節撫孤迨子娶婦生三孫子及婦復相繼歿又撫遺孫成立孀居五十載

王氏吳廷羹妻年二十二夫歿於寧波氏矢志事舅姑勤女紅撫遺孤成立

莊氏鄧士珩妻郡諸生曰璉女士珩生父燭命繼兄煥氏事嗣姑及本生舅姑俱竭誠敬族人稱之年二十八夫歿嗣姑繼殞喪葬盡禮仍與本生舅姑同居及卒喪葬如之撫二孤成人人謂其與鄧先世之四節烈媲美壽八十而終

陳氏黃心沖妻二十一而寡遺孤週歲食貧撫養至能自立氏卒年八十

許氏副貢林彭年妻夫卒事繼姑孝撫男世驥舉於鄉年八十一卒

鄭氏秦鴻理妻二十六歲夫歿事舅孝善撫雙孤卒年八十一

施担觀李盛祖妻年二十夫歿事舅姑孝撫幼孤成立卒年七十九

蔡惜觀曾漢治妻年二十二夫歿事姑孝教育二子有成卒年九十一

黃專娘蔡崇瑛繼室崇瑛贅外氏三月卒時專娘年十七扶櫬歸蔡家貧事本生姑孝撫前妻子如已出後子卒復撫孫年六十四卒

林氏杜尙本妻年二十四夫病危謂氏曰何恃以守曰恃吾志耳夫歿後六月生遺腹男父母欲奪其志氏誓死不移事舅姑孝撫所生及嗣子皆成立年七十七卒

萬氏黃曇佑妻官保提督正色女年十八夫歿事舅姑孝撫幼孤獻壽成立獻壽卒妻蘇氏年二十七事姑撫二子長子昌言娶婦復卒妻李氏年二十

九嗣徽雙節撫孤及姪以孝稱

林氏黃之乾妻安溪進士林可焜女之乾病贅林家不能成婚同歸六月卒氏年二十雖已嫁猶女也夫兄之綱以次子必達繼撫之成立爲諸生氏年五十二卒

林氏黃之行妻諸生林電駮女年十八夫歿哭喪明撫遺腹子成立卒年五十三

李氏布政黃之遴繼室嫁五月夫歿撫前妻妾子無異已出後以前妻子之駮官大理知府封恭人卒年七十七

陳氏黃士騶妻年二十一夫歿以夫姪爲嗣氏事舅
孝撫嗣子大振爲邑諸生卒年四十九

謝氏秦允中妻年二十七夫歿事姑孝撫孤成立卒
年五十二

陳氏紀班妻年二十夫歿遺一女及一嗣子皆歿家
極貧日不再食孝養庶姑剪髮易魚以進姑歿夫
族有貴者迎養不就卒年七十一族孫紀忠斗爲
之殯葬且祀焉

黃氏張騰賢妻年十九夫歿無子躬績以養舅姑後
得夫姪爲嗣卒年七十七

黃氏蔡澄生妻年二十夫歿家貧撫幼子子長娶婦
生孫與婦相繼歿氏復撫幼孫成立卒年八十
黃恬觀李元喜妻年二十五夫歿事姑孝撫兩孤成
立卒年七十八

呂氏曾乘齋妻值寇亂夫死子二失其一氏勤女紅
家貧無油以香條代辛劬課子底於成立

楊氏從娘龔情觀妻年十九夫歿家極貧茹苦孝養
守志不移

黃氏林華岡妻年二十一夫歿養夫姪爲子殤而復
繼者三年八十七卒

莊氏謝日釜妻年二十一夫歿事老姑孝撫遺腹子成立卒年五十七

呂氏曾敦實妻年二十五夫歿事祖舅姑及舅孝撫孤成立卒年六十二

黃氏賴志奏妻未嫁而夫病跛既嫁家人輕其夫者併輕之居一年夫卒家貧有一子病幾死家人訕辱氏終死守撫子成立壽七十七卒

黃氏諸生柯見英妻布政黃之遴女年二十三夫歿事舅姑孝識大義好施與撫子煌生爲貢生氏卒年五十六

王氏聊舒泰妻年二十四夫歿事舅姑孝撫孤成立卒年六十四

陳氏柯式邁妻年二十五夫歿家貧撫孤成立年六十四卒

黃氏王希會妻年二十五夫歿守志撫孤成立卒年七十

蔡氏柯石生妻年二十四夫歿事舅姑孝撫孤成立卒年六十一

曾氏何奎章妻年二十七夫歿事舅姑孝撫四子成立卒年五十三

陳氏粘敦行妻年二十九夫歿事姑孝撫雙孤成立
卒年六十七

許氏李由密妻年二十三夫歿守志撫三孤成立卒
年五十八

陳氏粘敦禮妻諸生陳有芾女年二十四夫歿撫二
子成立長子標春爲諸生復卒氏撫其孫卒年七
十九

施氏諸生吳啓鑄妻年二十六夫歿無子夫弟啓睿
一子繼之明年啓睿復歿妻蔡氏年二十一與妯
娒志共撫一幼子成立施氏卒年七十八蔡氏卒

年五十四

莊氏曾奇妻年二十二夫歿事舅姑孝撫二子成立
長子克中爲諸生卒年五十二

郭氏良舍林掌世妻掌世贅於其家三日病歸越年
卒氏年二十二持白絹奔喪將自縊舅姑止之守
志終身不移卒年六十八

王氏粘鼎冕妻年二十四夫歿撫孤及長卒復撫嗣
子成立年八十卒

林氏徐英士妻年二十七夫歿事姑孝撫幼孤奕章
成立爲諸生卒年七十七

張氏秦隆齡妻年二十夫歿事舅姑孝撫孤成立卒年六十

林氏郭雲聯妻林廷瑗女年二十四夫歿事舅姑孝撫二子成立長子郭揚爲諸生氏卒年五十三

林氏尤世誦妻林鎮觀女年二十七夫歿事舅姑孝撫雙孤成立卒年六十九

莊氏張文煌妻年二十二夫歿事舅姑孝撫子振聲爲諸生復歿遺孫繼天氏與媳林氏撫嗣子嗣孫卒年五十四

林氏許元璟妻年二十三夫歿家貧事舅姑孝撫幼孤成立卒年五十四

施氏舉人粘拱恩妻靖海侯琅女年二十七夫歿事舅姑孝撫孤成立卒年六十六

丁氏張世德妻年一十九夫歿事舅姑孝撫遺腹子成立卒年五十一

劉氏車乘鳳妻年二十七寡家貧撫二子事老姑茹荼矢志三十五載雍正九年旌表祀節孝祠

謝氏羅源教諭陳燠繼室年二十五夫歿事老姑孝撫孤成立卒年九十四乾隆間旌祀節孝祠

黃氏施世騮妻年二十二夫歿事舅姑孝撫孤成立

乾隆間 旌

鄭氏郡諸生王守揆妻年二十六夫歿事祖姑及姑
孝撫二子成立長子商霖孫克捷皆成進士乾隆
二年 旌卒年九十三

陳氏諸生蘇袞紹妻年十八夫歿事舅姑孝撫遺腹
二子皆成立乾隆二年 旌入節孝祠

李氏吳啓聲妻年二十四夫歿事舅姑孝撫孤成立
乾隆間 旌入節孝祠後鄰火弗戒燎至其門
旌節坊而止見者異之

蕭氏諸生莊頤妻年二十二夫歿子始生守貞鞠育
孝事舅姑壽九十乾隆間 旌

施氏林偉烈妻年二十夫歿撫遺腹子成立乾隆間
旌

黃氏王元侯妻年二十三夫歿事舅姑孝撫孤成立
乾隆間 旌

張氏蘇得麟繼室年二十三而寡事老姑孝撫前妻
三子成立乾隆間 旌

鄭氏諸生王球圖妻年二十三夫歿事老姑孝撫嗣
子成立爲諸生乾隆間 旌

王氏郭岳妻功加都司王世璋女年二十九夫歿事

姑至孝奉先世祭祀無不如禮撫遺孤賡武力貧
課學有古賢母風乾隆間 旌後以賡武乾隆丁
巳進士歷官安順知府兼受封誥

蔡氏楊士淑妻年二十六夫歿事老姑孝撫孤成立
乾隆間 旌

陳氏尤元瑛妻監生陳士璿女年二十六夫歿事姑
孝撫孤成立乾隆間 旌表入祠

萬氏何希哲妻年二十二夫歿事舅姑孝撫孤成立
乾隆間 旌

柯氏鄭廷璧妻年二十一而寡事舅姑孝撫孤成立
乾隆間 旌

李氏諸生黃璇妻安溪人年二十三夫歿事舅姑孝
撫幼子成立子歿撫孫乾隆間 旌

林氏蔡冀升妻年二十一夫歿事舅孝撫嗣子成立
子歿撫孫孫歿復撫嗣孫乾隆間 旌

楊氏許志璟妻年二十六夫歿事舅姑孝撫嗣子成
立乾隆間 旌

翁氏貢生張嗣浪妻年二十二夫歿事舅姑孝撫孤
成立乾隆間 旌

蔡氏何宗文妻年二十一夫歿事舅姑孝撫子及嗣

子成立乾隆間 旌

林氏王鳳翼妻年二十二而寡事孀姑孝撫孤成立

乾隆間 旌

黃氏楊興業妻南安人年二十二夫歿孝事舅姑撫

幼孤成立 旌表入節孝祠

林氏監生李肇驤妻年二十六夫歿事老姑孝撫幼

子成立乾隆間 旌

鍾氏林祥鍾妻鍾啓震女年二十一夫歿事舅姑孝

撫遺腹子成立 旌表入節孝祠

吳氏張文秩妻年二十二夫歿事舅姑孝撫孤成立

乾隆間 旌入節孝祠

邱氏顏庭椿妻二十五歲夫歿事姑教子歷節七十

六年壽至百歲人稱節婦壽母云乾隆間 旌

吳氏柯懿肯妻年二十一夫歿養親教子克盡孝慈

守節六十四年乾隆間 旌

林氏蔡正春妻年二十四夫歿忍死奉親撫子慈孝

兼盡守節四十年卒乾隆間 旌

林氏張鴻模妻年二十四而寡事姑教子甘旨惟潔

鞠育有成歷節五十三年

黃氏貢生施學赤妻布政元驥女少寡事孀姑黃至

孝撫一子授室而卒年七十餘姑年九十九祝願
延殘喘爲姑送終姑卽施世騮妻經旌表

王秋波韞榆令蔡仕岳家婢也仕岳子禹門將納爲
妾未及而禹門卒氏年十六遣嫁之泣曰郎君旣
許爲妾今郎君歿不可以貳有爲郎君繼嗣者婢
奉命撫之不然請以死殉族人爲之立嗣曰六韜
曰智六韜爲諸生與智皆卒氏復與韜婦何氏撫
孫家極貧寄居婦家人稱其苦節

蘇蜚娘杜光海妻生一子夫歿其舅杜千及夫弟勗
謀嫁之氏歸父母家而所謀同復還舅百方虐之
氏皆安焉更七年舅以氏許黃姓氏弗知而心動
若光海夢中告之者以死自誓至期家人以棉塞
氏口縛而掖之至中途解納諸輿氏於輿中披髮
破面入門髡而黥矣厲聲呼黃曰吾爲藐孤故至
此今有死爾黃懼使諸媪守之明日杜族人重婦
之節共迎歸而怒其舅千勗等將懲之氏請宥而
免

王氏陳元泗妻鄉賢忠孝公孫女年二十四夫歿一
子復殤守節自誓紡績養姑姑病割股和藥以進
及歿賣屋殯葬歸依父母又割股以療父病鄉族

交稱之

蔣氏光範女諸生黃高孕妻事姑周氏至孝姑病垂絕號天請代姑甦曰死免矣冥冥中有代吾者越二日蔣卒

王謹娘蔡宏烈妻事姑至孝姑病篤割股肉和藥進姑遂愈縣令葉祖烈給匾旌之

蔡氏太僕陳洪謐側室事嫡至謹洪謐守蘇地饒財賦毫無所染至不能贍家或諷以無太自苦氏聞力爭不可後子俞候官山左叅議日詢所行事必以先人在蘇嘉蹟爲訓晚年歸鄉罄橐金二百餘

修祠宇置祀田族人以爲女宗年七十八終

嚴氏上海令陳善妾蘇州常熟人其父麟如來陳署病將死氏祝天願減算活父不愈割臂肉和藥進乃愈氏年八十一卒嫡子士芝爲之傳

劉巽官性至孝少喪母撫於祖母年未及笄祖母病篤禱天剖肝和藥以進血崩數日卒

陳貞姑父年老喪媪貞姑未字治女紅以奉甘脆自誓不嫁父年九十五貞姑哀痛繼殞里人比之北

宮嬰兒云

以上晉江

徐氏耀環女洪士泌妻年二十二夫歿事舅姑孝撫

孤成人卒年六十四

林氏楊宗瀚妻年二十七夫歿事舅姑及本生姑孝

撫子成立卒年六十二

張氏洪士弁妻年二十五夫歿事舅姑孝撫子成立

卒年五十四

黃氏張恭伯妻年二十二夫歿事舅姑孝撫孤成立

娶媳而子遂卒媳嫁復撫幼孫

顏氏監生郭玉美妻年二十九夫歿事姑孝撫三子

為諸生氏年九十一卒

傅氏楊遂林妻年十七夫歿後五月生遺孤舅姑早

卒有族猾欲奪其志陰戕遺孤氏知之得不死撫

以成立年八十五卒

柯氏黃維貞妻年二十五夫歿家貧撫雙孤有成卒

年六十五

潘氏式允女侯廷慧妻年二十四夫歿事舅姑孝撫

雙孤成立卒年五十六

黃氏侯伯潛妻年二十夫歿無子叔指娣孕為婦嗣

生男撫之事舅姑孝後嗣子復歿遺二孫氏與娣

柯氏鞠以成人卒年七十五

黃氏戴希鏗妻年二十七夫歿事庶姑孝撫二子成

立卒年八十三

林氏貢生昌祚女洪士貞妻年二十一夫歿值海氛艱辛全節事姑孝撫二子成立其孫多入泮年八十一卒從孫世澤爲立傳

陳氏貢生吉女諸生黃朱英妻年二十七夫歿事舅孝撫二子成立長子熙緝爲邑諸生

洪氏鄭述嘉妻年二十九夫歿事姑孝撫二子成立後次子士錄卒妻徐氏年二十五守志孝養如其姑洪氏卒年八十四徐氏徐成淑之女也

侯氏義女雷廷外妻其姑黃氏守四月遺腹子貧恐不能娶婦故氏四歲入雷門十一姑歿十六未合鬻延外又將死目不瞑氏慟屢絕夫從兄憐之指其妻得男爲嗣旣生男氏乃笄抱以拜廟母欲奪其志矢死不從有田半頃跪以手耨十指皆胼嘗訓嗣子雷振曰女人須自家吃苦不可受人憐况寡婦乎振後爲邑諸生卒氏又與媳傅氏守孫織席爲食蓋一門三節云

洪氏王中靜妻年十九夫歿事舅姑孝撫嗣子成立卒年七十餘雍正間旌入節孝祠

黃氏洪奕曠妻年二十四夫歿事姑孝撫孤成立卒

年九十乾隆間 旌入節孝祠

朱氏洪奕忍妻年二十七夫歿事姑孝撫雙孤有成

苦節四十餘年乾隆間 旌

楊氏李尚德妻年二十三夫歿事舅姑孝撫男文熾

繼歿復鞠幼孫成立乾隆間 旌

黃氏呂盼觀妻年二十八夫歿事姑孝撫孤慈而兼

嚴卒年九十六乾隆間 旌

吳氏黃洽命妻年二十二夫歿事姑孝撫孤廷檟長

繼歿復與婦撫孫苦節三十七年乾隆間 旌

伍氏黃洽秦妻年二十夫歿苦節五十六年撫幼孤

成立乾隆間 旌

葉氏洪士綱妻年十九夫歿無孀後六年以姪經綸

為嗣茹苦課子登雍正丙午舉 旌入

節孝祠

蔡氏陳文龍妻年二十一夫歿撫孤成立卒年七十

二乾隆間 旌

郭氏洪鳴珂妻年二十八夫歿事姑孝撫孤成立卒

年八十乾隆間 旌

柯氏傅幾德妻年二十夫歿家貧事祖姑及姑皆孝

撫雙孤成立卒年七十乾隆間 旌

鄭氏戴隆齡妻年十九夫歿事庶姑如嫡撫遺腹子成人守節五十二年乾隆間 旌

陳氏黃洽遴妻年二十三夫歿事舅姑孝撫雙孤成長卒年六十六乾隆間 旌

黃氏蘇振璽妻年二十三夫歿事舅姑孝撫孤成立卒年七十三乾隆間 旌

陳氏傅儲瑾妻諸生陳慎素女年一十九夫歿事舅姑孝撫七月孤成立卒年五十九乾隆間 旌

張氏黃世芳妻年二十一夫歿孝事舅姑撫雙孤不事姑息苦節五十餘年乾隆間 旌

尤氏張士焯妻年十八孀居遺腹生女繼子以延嗣

續食貧守節歷節五十一年乾隆間 旌

鄭氏蘇廷賓妻年二十二夫歿養姑盡孝撫孤盡慈

守節六十二年乾隆間 旌 縣冊作蘇廷賓

王氏呂雄偉妻年二十四夫歿事祖姑及舅姑皆孝

撫雙孤成人 以上南安

林氏洪懋敏妻年二十夫歿矢志撫孤以長子秉鈞

貴贈一品夫人

林氏幼字劉某及長劉貧不能娶父令贅而兄嫂以傭畜之劉不能平氏語曰行矣吾忍死待君誓不

相負劉去久不返死氏紡績自給足不踰閩劉宗
人高其誼共迎歸議繼氏曰妾辛勤銖積存三十
金願置業充宗祀吾夫婦祔主享春秋足矣宗人
諾之數月卒年七十

陳氏朱中哲妻年二十夫亡食貧矢志事姑撫子年
六十一卒 旌表祀節孝祠

洪氏駱道宏妻年二十五寡矢節撫孤七十餘歲
旌表祀節孝祠

劉氏諸生駱紹高妻年二十一而寡奉姑教子孀居
六十載 旌表祀節孝祠

余氏張龍起妻年二十五夫卒奉老姑撫遺腹子孀
守四十餘載 旌表入祠

王氏魏德俊妻年十五于歸未久夫歿守節年八十
九卒乾隆間 旌

吳氏陳景從妻年二十二夫歿事舅姑孝撫子成立
入泮復歿又撫幼孫年七十九卒乾隆間 旌

駱氏郡諸生陳基妻年二十八夫歿守志撫二孤成
立長玉麟爲諸生乾隆間 旌

陳氏黃文科妻年二十一夫歿無子家貧立夫姪爲
後撫之年六十九卒乾隆間 旌

王氏陳雅詩妻年二十一夫歿事舅姑孝撫嗣子成立旌表建坊

陳過官葉啓興妻舅姑多病夫兄啓泰目盲割股事父氏亦割股事姑啓興疾三年氏奉藥必親嘗及夫歿氏年二十二撫六歲孤孀居四十餘載乾隆間旌

李氏陳聞遠妻年二十一守節八十五歲卒乾隆年間旌孫煥世舉人訓導

張氏諸生陳鳴紫妻年二十四夫歿事老姑孝撫幼孤成立

鄭氏楊耀錫妻二十八歲夫亡念耄姑無依紡績孝養以代子職夜則青燈課兒辛勤畢至守節五十八年乾隆間旌

劉氏詹方星妻二十七歲夫客死氏悲痛欲以身殉姑勸止之事姑盡孝撫兩子教養兼盡守節五十一載

魏氏張○妻十九歲夫歿茹荼飲蘖守節三十四載乾隆間旌以上
惠安

邱氏陳琦瑄妻為海寇所掠欲污之屢撻不從投水者再將殺之刃鳴乃止莆義士劉孟名等三十九

人鳩金以贖且醫其瘡會琦瑄追至挈之歸後邱
病將死呼子鴻漸囑曰必報恩鴻漸喪後奔莆竭
力酌答孟名已卒其子堅辭曰吾父豈望報者哉
吾不可以受財掩父義識者兩避之

洪氏蘇吉卿妻年二十三夫卒撫姪耀武爲嗣入泮
而夭伯止一子氏請置妾生男後武抱而撫之以
廣宗祀

林琬娘辜仁湯妻年二十二夫歿撫側室子事舅姑
孝姑病禱天割股以進遂痊

楊氏諸生陳一鳴妻年二十八夫歿子三俱穉氏矢
節撫教次第遊庠尋相繼夭僅存二孫氏與婦蘇
氏張氏矢志鞠育值土寇縱橫二孫被掠氏百計
贖回或勸避寇以夫棺祖骸未歸土弗去亂定躬
爲營葬備歷艱辛年七十三卒

鄭氏許新坦妻年二十七夫歿子幼矢志撫養比長
娶婦舉二孫子夭婦嫁海氛未靖氏收先世神主
及像挈二孫避難寇平孫漸長氏旣耄猶自作苦
卒年九十一

陳氏諸生蔡齡妻年十八夫歿矢志奉姑居八載夫
從弟生次子立爲嗣遭亂姑歿喪葬如禮勤女紅

供子讀書子方亨弱冠爲諸生氏年六十四卒
葉氏顏國瑞妻年二十二夫歿無子時海寇起扶姑
迺難備嘗辛苦越十年夫從弟生子日騰乃以爲
嗣已爲諸生未幾又歿復撫孤孫華苦節五十五
年今華亦入泮

蔡氏陳其綦未婚妻其綦卒氏欲自裁家人救止一
夕防稍懈乃懸樑繩斷折脛死而復甦密取蘭生
根煎服之折處潰爛脫落成殘疾然終不得死乃
喟然曰吾屢求死不得是欲爲我夫立後也乃以
夫兄次子承嗣氏獨處一室教授女紅自給年六

十而卒

張氏王聰妻名應娘嫁逾年聰往番不歸家貧勤女
紅以養老姑未幾聞聰死有勸其改適者氏正色
拒之僦屋而居事姑惟謹屋主憫之不收其值
夫妹亦感動以子爲嗣年六十七卒

陳氏世挺女蔡纘妻夫歿年二十八家貧紡績教
子成長七十三卒

王氏黃日旭妻二十四歲夫歿矢志撫孤值海氛流
離播遷艱虞備嘗寇平乃營葬累世遺骸卒年七
十六乾隆間旌祀節孝祠孫江舉人官中書舍

人壽進士知縣

顏氏劉世輔妻年二十一夫歿誓將死姑止之守節
養姑撫遺腹子成立卒年六十乾隆間 旌

劉氏陳元澂妻年二十七夫歿矢節撫孤奉姑惟謹
卒年七十三乾隆間 旌

黃氏李彥登妻年二十三夫歿家貧事舅姑孝喪葬
如禮撫子長娶婦生孫子亡婦改適氏復撫孫成
立卒年八十一乾隆間 旌

朱氏陳霜妻嫁三載生一子而霜歿朱年二十二家
貧撫孤躬耕自給子長娶婦李氏生一子又寡李

時年二十八偕姑苦節共撫一孤朱卒年六十七
李卒年五十三乾隆間 旌

余氏諸生王明妻事舅姑至孝姑病禱天割股調羹
以進姑夢白衣神護之遂痊

粟氏諸生周子培妻割股事姑割臂事夫邑令鄧麟
采徐名觀俱旌之巡撫張伯行亦表其閭以上同安

